




Wie Hagene vnt Volker vor  
 Chriemhilde sal sagen.

XXIX. Auenture.

**D**o schieden sich die zwene, rechen lobelich,  
 Hagen von Tronege, vnt och her Dietrich,  
 do blicht ober ahfel, der Gunthers man,  
 nach einem hergesellen, den er vil schiere do gewan.



Er sach den videläre. bi Giselhere sten.  
Volchern den vil chvenen. den bat er mit im gen.  
wander vil wol erchande. den sinen grimmen mvot.  
er was an allen togenden. ein ritte chven vnt goot.

Noch liezen si die herren. vsem hove sten.  
niwan si einen zwene. di sach man dammen gen.  
ober den hof vil verre. for ein palas wit.  
die v3 erwelten beide. vorhten niemannes nit.

Si gefazen vor dem hvoese. gegen eime sal.  
der was Chriemhilde. v3 eine banch zetal.  
do vwohte in von ir libe. ir herlich gewant.  
gnvoze die si sahen. si heten gerne bechant.

Alsam t3er div wilden. wrden gekapfet an.  
die vbermveten helde. von manigem H3onen man.  
do ersach si durch ein venster. daz E3eln wip.  
des wart do vil treube. der frowen Chriemhilde lip.

E3 mante si ir leide. weinen si began.  
des hete michel wnder. die E3eln man.  
was ir so snelle ertrobet. het ir hohen mvot.  
si sprach daz hat Hagene. ir helde chvene vnt goot.

Si sprachen frowe here. wie ist daz gefeh3en.  
wir habn ioch niwliche. so fro gemvot gefeh3en.  
niemen ist so chvene. swer3 i3 hat getan.  
he3et ir3 vns rechen. e3 sol im an sin lebn gan.

Daz wolde ich immer dienen. swer reche miniv leit.  
alles daz er wolde. des wär ich im bereit.  
ich biot mich i3 zefuzen. sprach des kuniges wip.  
rechet mich an Hagene. daz er verliese den lip.

Do garten sich zehanden, wol sehzech chvner man,  
durch der frowen liebe, si wolden hin gan,  
vnt wolden slahen Hagenen, den vil chvnen man,  
vnt ovch den videläre, daz wart mit rate getan.

Do die kuniginne, ir sechar so kleine sach,  
in eine grimmen mvote, si zen helden sprach,  
des ir da habt gedingen, des solt ir ab gan,  
iane dorfet ir so ringe, nimmer Hagenen bestan.

Swie starche vnt swie chvne, der von Tronege si,  
noch ist verre chvner, der im da sizet bi,  
Volker der videläre, der ist ein vbel man,  
iane solt ir die degene, niht so lihte bestan.

Do si daz gehorten, do garte sich ir mer,  
driu hondert sneller rechen, die kuniginne her,  
was des vil genöte, daz si geräche ir leit,  
da von wart sit den degenen, vil michel arebeit bereit.

do si nu wol gewafent, ir gesinde sach,  
zuo den snellen degenen, die kuniginne sprach,  
nu bitet eine wile, ir solt noch stille stan,  
ia wil ich vnder chrone, mit ir zuo minen vinden gan.

Vnt höret itewizze, was mir hat getan,  
Hagen von Tronege, der Gunthers man,  
ich weiz in wol so chvnen, daz er mir lovgent niht,  
so ist ovch mir vnmäre, swaz im darvmb geschicht.

Do sach der videläre, ein vil chvne man,  
die edeln kuniginne, ab einer stiegen gan,  
nider v3 eine hofse, als er daz gesach,  
der vil wise reche, zuo sine hergesellen sprach.

Itw schowet frivnt Hagene. wā si her gat.  
div vns in vntriwen. inz lant geladet hat.  
ich gesach mit kuniginne. nie so manigen man.  
die swert enhende troegen. also striteklichen gan.

Wizet ir frivnt Hagene. daz si iw sin gehaz.  
so rat ich iw mit triwen. ir hutet deste baz.  
des libes unt der eren. ia dunchet es mich gvot.  
als ich mich versinne. si sint vil ubele gemvot.

Vnt sint och sumeliche. zen brosten also wit.  
swer sin selbes hvete. der too daz encit.  
ich wā si vnder siden. die vesten pronne tragen.  
waz si da mite meinen. daz kan ich niemen gesagen.

Do sprach inzornes mvote. der vil chvone man.  
ich weiz wol daz iz allez. ist vf mich getan.  
daz si div liechten waffen. tragent an der hant.  
vor den möhte ich geriten. noch in der Burgonden lant.

Itw saget mir frivnt Volker. welt ir mir gestan.  
ob mit mir striten wellent. die Chriemhilde man.  
daz lazet ir mich hören. als liebe als ich iw si.  
ich won iw immer mere. mit triwen dienstlichen bi.

Ich hilf iw sicherlichen. sprach do der spileman.  
ob ich vns hie begegene. sähe enkunic gan.  
mit allen sinen rechen. die wile ich leben mvoz.  
so entwiche ich iw durch vorhte. v3 helse nimmer einen fvoz.

Itw lone iw got von himele. vil edel Volker.  
ob si mit mir striten. wef bedorft ich danne mer.  
sit ir mir helfen wellet. als ich vernomen han.  
so soln dise degene. vil gewärlichen gan.

No sten wir von dem sedele. sprach do der spileman.  
si ist ein kuniginne. vnt lan si for gan.  
bieten ir die ere. si ist ein edel wip.  
da mit ist och getivret. an zohnten vnser beider lip.

Nein durch mine liebe. sprach aber Hagene.  
so wolden lihte wänen. dise degene.  
daz ihz durch vorhte tâte. vnt solde ich hin gan.  
ine wil durch ir deheinen. nimmer von dem sedel stan.

Da zint ez vns beiden. zware lazzen baz.  
zwiv solde ich den eren. der mir ist gehaz.  
daz entwon ich nimmer. die wil ich han den lip.  
iane roche ich waz mich hazzet. des kunic Ezeln wip.

Hagene der starche. der leit ober bein.  
ein vil lichte; wasen. v; des knopfe erschein.  
ein vil lichter iaspes. groner danne ein gras.  
wol erchandez Chriemhilt. daz ez e' Siwrides was.

Do si daz swert erchande. des gie si michel not.  
sin gehilze daz was goldin. diu scheide porten rot.  
ez mante si ir leide. weinen si began.  
ich wän iz hete Hagene. ir zereizen getan.

Volker der vil chvone. zoch naher vf der banch.  
einen videlbogen starchen. michel vnt lanch.  
gelich eime scarpfen swerte. vil licht vnt breit.  
do sazzen vnervorhten. die zwene degene gemeit.

No dohten sich so here. die zwene chvone man.  
daz si niht enwolden. von dem sedele stan.  
durch deheine vorhte. des gie in an den fvz.  
diu edel kuniginne. vnt bot in vintlichen grovz.

Si sprach nu sagt mir Hagene. wer hat nach ir gesant.  
daz ir getorset ritē. her indizze lant.  
370 also starchen leiden. vnt ich von ir han.  
het ir rehte sinne. so het irz pilliche lan.

Nach mir ensande niemen. sprach do Hagene.  
man ladet her zelande. drie degene.  
die heizent mine herren. so bin ich ir man.  
deheiner hove reise. bin ich vil selten ir bestan.

Si sprach nu saget mir mere. warumbe tat ir daz.  
daz ir daz habt verdienet. daz ich ir bin gehaz.  
ir sluget Sivride. den minen lieben man.  
des ich vnz an min ende. immer gnvoec ze weinen han.

Was sol der rede mere. sprach er ir ist genvoec.  
ich binz et aber Hagene. der Sivriden swoc.  
einen helt ze sinen handen. wie sere er des engalt.  
daz diu frowe Chriemhilt. die schonen Prvnhilt schalt.

Ez ist et ane lougen. kuniginne rich.  
ich han is alles schulde. des schaden schedelich.  
nu rechez swer der welle. ez si wip oder man.  
ihn wolde danne liegen. ich han ir leides vil getan.

Si sprach nu hört ir rechen. wa er mir lougent niht.  
aller miner leide. swaz im da von geschihet.  
daz sol mir sin vnmäre. ir Ezeln man.  
die ober mueten degene. sahen vaste ein ander an.

Swer den strit da hwebe. so were da geschehn.  
daz man den zwein gefellen. der eren muose ichn.  
wan siz instormen heten. vil dicke wol getan.  
des sich iene vermazen. durch vorhte muosen si daz lan.

Do sprach ein der reche. wef seht ir mich an.  
daz ich e' da lobte. des wil ich ab gan.  
durch niemannes gabe. vertiefen minen lip.  
ia wil vns verleiten. des kunie Ezeln wip.

Do sprach aber ein ander. des selben han ich woot.  
der mir gäbe tuerne. von rotem golde gvot.  
difen videläre. wolde ich niht bestan.  
durch sine swinde bliche. die ich an im gesehn han.

Och erkenne ich Hagenen. von sinen iungen tagen.  
des mach man von dem rechen. lihte mir gesagen.  
in zwein vnt zweizech stormen. han ich in gesehn.  
da vil maniger frowen. ist hercenleide gesehn.

Er vnt der von Spane. die traten manigen stic.  
do si hie bi Ezelen. vahnten manigen wic.  
zen eren dem kunige. des ist von im vil gesehn.  
dar umbe woz man Hagene. der eren wol von schulden iehen.

Dannoch was der reche. siner iar ein kint.  
daz do tumben waren. wie grise die nu sint.  
nu ist er chomen ze wizen. vnt ist ein grimmech man.  
ovch treit er Palmungen. da vor enchvnder niht gestan.

Da mite was gesehiden. daz da niemen streit.  
do wart der chvnginne. vil hercenliche leit.  
die helde cherten dammen. ia vorhten si den tot.  
von dem videläre. des gie in wärliche not.

Do sprach der chvne Volker. wir han daz wol ersehn.  
daz wir hie viende vinden. als wir e' horten iehn.  
wir soln zu den kunigen. hin sehove gan.  
sone tar vnser herren. mit strite niemen bestan.

Wie diche man durch vorhte. manigiv dinch verlat.  
swa so frivnt frivnde. frivntlich gestat.  
vnt hat er gote sinne. daz erz wifliche twot.  
schade vil maniges mannes. wirt von sinnen wol behvot.

Nu wil ich iv volgen. sprach do Hagene.  
si giengen da si fonden. vil der degene.  
ingrozem antpfange. noch an dem hove stan.  
Volker der vil chvene. lwote rvesen began.

Er sprach zu sinen herren. wie lange welt ir sten.  
daz ir ivch lazet dringen. ir solt zehove gen.  
vnt höret an dem kunige. wi der si gemvot.  
do sach man gesellen sich. die helde chven vnt goot.

Der forste von Berne. der nam an die hant.  
Gunthern den richen. von Burgonden lant.  
Irenvrit Gernoten. einen chvenen man.  
do sah man Gifelheren. zehove mit sinem sweher gan.

Swie iemen sich gesellete. vnt ovch zehove gie.  
Volker vnt Hagene. geschieden sich nie.  
niwan in eime stürme. an ir endes zit.  
daz mosen beweinen. vil schone iunefrowen sit.

Do sach man mit den kunigen. hin zehove gan.  
ir edeln ingesundes. tosent chuner man.  
dar ober sehzech rechen. mit in warn chomen.  
die het insime lande. der chvene Hagen genomen.

Hawart vnt ovch Irinch. zwene v; erwelte man.  
die sah man frivntliche. bi den kunigen gan.  
Danchwart vnt Wolfhart. die heten sich bewegen.  
man sach si grozer tugende. inir obermote pflagn.

Do der vogt von Rine. in den palas gie.  
Ezele der riche. daz niht langer lie.  
er sprach von sime sedele. als er si chomen sach.  
ein groz so rehte schone. von kunige nie mer geschach.

Sit willechomen her Gunther. vnt oveh her Gernot.  
vnt iwer bruder Gifelher. dem ich min dienst enbot.  
mit triwen vlizzechliche. ze Wormez ober Rin.  
vnt alles daz gedigene. sol mir willechomen sin.

Nu sit vns groz willechomen. ir zwene degene.  
Volker der chüne. vnt oveh her Hagene.  
mir vnt miner frowen. her indizze lant.  
si hat ingrozen triwen. vil diche mich umbe ivch gemant.

Do sprach der starche Hagene. daz haben wir wol vernomen.  
wâr ich durch mine herren. zen Hunen niht bechomen.  
so wâr ich iv zen eren. geriten indaz lant.  
do nam der wirt vil edele. die lieben geste zehant.

Vnt brahte si zem sedele. da er selbe saz.  
do schancte man den gesten. mit vlize tet man daz.  
in witen goldes schalen. moraz vnt win.  
vnt bat die ellenden. groze willechomen sin.

Do sprach der kunie der Hunin. des wil ich iv veriehn.  
mirn enchonde indisen citen. lieber niht geschehn.  
denne oveh an iv rechen. daz ir vns her sit chomen.  
des ist miner frowen. michel tvren benomen.

Mich nimt des michel wnder. was ich iv habe getan.  
so manigen gast vil edelen. den ich gewinnen han.  
daz ir nie chomen vrochet. her inminiv lant.  
daz ich ivch nu gesehn han. daz ist zen vreden mir gewant.

Des antwort Rodeger. ein ritter hoch gemoot.  
ir moeget si sehn gerne. ir triwe div ist gvot.  
der miner frowen mage. so schone chynnen pflegen.  
si bringent iw zehofse. vil manigen wätlichen degen.

An sonewenden abent. als wir han vernomen.  
waren si ze Ezelen boerge. dem chonige zehofse chomen.  
ein wirt nie sine geste. so minneklich enpfie.  
dar nach er zw den tischen. mit in vil vroliche gie.

Ein kunec bi sinen gesten. schoner nie gefaz.  
man gab in vollechliche. trinchen vnt maz.  
vnt alles daz si wolden. des was man in bereit.  
man hete von den degenen. vil michel wnder geseit.

Ezele der riche. het an bow geleit.  
sinen vli3 kostenliche. mit grozer arebeit.  
palaf unt tvrne. kemenaten ane zal.  
in einer witen burge. vnt einen herlichen sal.

Den het er heizen bowen. lanch hoch vnt wit.  
durch daz sovil der rechen. in sohnte zaller cit.  
an ander sin gesunde. zwelf riche kunige her.  
vnt vil der werden degene. het er zallen citen mer.

Denne ir konic ie gewinne. als ich vernomen han.  
er lebt inhoher wne. von magen vnt man.  
schallen vnt dringen. het der forste gvot.  
von manigem snellem degene. des stvont im hohe der moot.